

# Goibekokale

ELGETA / Barikua / 2002ko urtarrilaren 25a / 84. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

## Eguenean, *Elgeta, sasiaren sustraiak* liburuaren aurkezpena

OXEL EROSTARBE

Urtarrilaren 31an, iluntzeko 19:00etan Koldo Izagirre eta Joseba Tapia gerturatuko dira herriko liburutegira Elgeta trikitilari handiaren liburu eta pieza batzuk aurkeztera. Kultura Batzordeak, Trikitilari Elkartearen laguntzarekin antolatu du ekitaldia.

Koldo Izagirrek Elgeta trikitilariaren inguruan egindako datu bilketa handi baten emaitza da *Elgeta, sasiaren sustraiak*.

Datorren egunean liburu hau aurkeztuko du Pasaiako idazleak liburutegian. Liburuan, Jazinto Rivas Sanz "Elgeta" trikitilariaren bizipenak kontatzen dira. Trikitilari mitikoari buruzko datu zehatzenak ematen saiatu da Koldo Izagirre, eta lehendik zeuden hainbat uste okerrak direla argi geratu da.

Jazinto Rivas Sanz trikitilari handia Goimendiko Intxuzabal baserrian premutzako maiorazkotzako hartua izan zen. Hortik datozkio trikiti munduan ezagun egin zuten bi izenak, Intxuzabal eta Elgeta. Bergara eta Eibarren Intxuzabal deitzen zuten, eta Eibartik kostalderantz, Elgeta.

Liburuarekin batera, CD bat ere batu dute Elgeta trikitilariaren grabazio batekin. Hortaz, trikitilariaren doinuak ezagutzeko aukera ere ematen dute.

### JOSEBA TAPIA ERE ETORRIKO DA

Joseba Tapiak 36ko Espainiako gerrari aipamen egiten dioten Euskal Herriko kanten bilduma kaleratu berri du: *Agur Intxorta maite*. Trikitilari ziar zegoen 36ko gerrari buruzko abestiren bat egon behar zuela. Bazekien gainera, Jazinto Rivas Elgeta trikitilari Eibarko milizietan ibili zela. Joseba Tapia Elgetan izango da egunean eta Elgetaren zenbait pieza musikatuak ditu bertan batzen direnek entzuteko.

Gaurko trikitilariak miretsi izan dute Elgeta. Batetik trikitilari maisuen maisu izan zelako, eta baita zuen trebetasunagatik ere, soinu bakarrek zuzi tonu desberdin jotzeko gai zen eta.



EUSKAL HERRIKO TRIKITIXIA ELKARTEA

Santo Tomas egunez. Elgeta, Sakabi eta Auntxa trikitilari lagunen artean.

*Datu zehatzenak  
batu ondoren,  
zenbait uste okerrak  
direla argi geratu  
da liburuan*

*Goimendin,  
Intxuzabal  
baserrian morroi  
izan zen Elgeta  
trikitilari mitikoa*

*Aurkezpenean  
Joseba Tapia ere  
izango da Elgetaren  
garaiko zenbait  
pieza musikatu*

### KOLDO IZAGIRRE / IDAZLEA



*"Esan da, Elgetak pelikula egiteko bizia izan zuela, eta egia da"*

**Elgeta, sasiaren sustraiak liburu aurkeztuko diguzu, zein harreman egon zen Elgeta trikitilari eta Elgeta herriaren artean?**

Nik dakidala behintzat, ez zen harreman handirik egon. Baina bere baserriak Elgeta zeukanez hurbilen, ba izen huraxe eman zioten Eibarren eta inguruetan.

Horrek esan nahi du berari ez zitzaioala axola, maite zuela Elgeta izena, berak ere hala aurkezten baitzuen bere burua maiz. Elgetan, sortu izan ote da herriaren izena Elgetak beste zabaldu duenik?

**Bere inguruan mito ugari sortu dira, zer dela eta?**

Bai, mito handi bat da Elgeta, eta hainbat asmazio egin

dira berari buruz... Logikoa da: sasikoa zen, han eta hemen ibili zen, gerran ere bai, kartzelan gero, frankismoan baserri baserri ibili zen trikitia irakasten, ez zuen familiarik osatu, hil ere ia eskeko bihurtua zela hil zen, inork ez zekiela... Esan da pelikula egiteko moduko bizitza izan zuela, eta egia da.

### LABUR

#### Otsailaren 4an Santa Ageda eskean

Otsailaren 4an, eguerdiko 14:30etatik aurrera Santa Ageda eskean aterako dira eskolako haurrak. Batuko duten dirua Gabonetan atera zutenari gehituko diote, horrela, aratusteak direla eta otsailaren 8an egingo duten merienda ordaintzeko.

Santa Ageda bezperan abes-tera ateratzea ohitura izan da Elgetan. Hurrek astelehenean ekingo diote kantuak gertatzeari, eta horretarako makilak eraman beharko dituzte eskolara.

#### Mozorroak gertatzeko ordua iritsi da

Eskolako hurrek eta Gazte-axeak otsailaren 8an ospatuko dituzte aratusteak. Gazte-axeak afaria eta kontzertua antolatu ditu. Afaria Bolatoki tabernan izango da. Menua, entsaladak, paparrak edo eskalopek eta postreak osatuko dute eta Haizea tabernan eta Gaztetxean eman daitezke izena. Gauean Mal de ojo taldearen kontzertua izango da. Eskolako haurrak ere egun horretan mozorrotuko dira. Arratsaldean jokoak eta merienda izango dituzte.

#### Jaietan haurren danborrada egiteko asmoa

Hasi dira ekainaren 27, 28 eta 30 artean izango diren Ferixa Nagusixak gertatzen. Aurten ez dugu nagusien danborrada izango. Horren ordez jaietako zapatu arratsaldean haurren danborrada antolatzeko da asmoa. Hamasei urte arteko neska mutikoei hartu dezakete parte bertan. Otsailaren 16an, kiroldegiko gimnasioan izango da aurreneko entsegua. Egun honetan eman beharko dute izena danborradan parte hartu nahian dutenek.

KIROLA

# Intxorta saskibaloit taldea Kopako finalaurrekoetarako sailkatu da Eibarren

O.E.

**Domeka goizean Maixa tabernari 50-38 irabazi eta gero, Kopan aurrera egin dute Intxorta taldekoek. Ligan hirugarren dira, eta jokatu dituzten sei partiduetatik bi galdu egin dituzte. Aurtengoan ere, Liga eta Kopa irabazteko aukerak dituzte.**

Aurreko urteetan, Eibarko Saskibaloit Txapelketa nahiko erraz irabazi izan dute Intxorta saskibaloit taldekoek. Aurtengoan, ordea, ohi baino zailtasun handiagoak ditu taldeak partiduak irabazteko. Ligan jokatu dituzten sei partiduetatik bi galdu egin dituzte, eta, ondorioz, sailkapenean hirugarren dira.

Kopa txapelketa, ordea, beselako emaitzak lortu dituzte Elgetako mutilek. Domekan Maixa tabernari irabazi eta gero, finalaurrekoetarako sailkatu dira. Otsailean jokatu dira finalaurrekoak, eta orain

dik ez dago erabakita euren aurkaria zein izango den.

**DEBARROKO TXAPELKETA, BIKAIN**

Martitzenean hasi zuten Ozkarbi taldeko pilotariak Debarroko Pilota Txapelketa. Elgetarrek eibartarren, elgoibartarren eta debarren taldeen aurka neurtuko dituzte indarrak.

Lehenengo partiduak Debako pilotarien aurka izan zituzten Ozkarbi taldekoek. Nagusien mailan 22-1 irabazi zuten Arantzetak eta Arrietak. Gazteen mailan, bestalde, 22-7 irabazi zuten Txurrukak eta Alberdik. Eta kadeteen mailan, azkenik, Atxotegik eta Garatek 22-9 galdu zuten.

Pilota, ordea, ez partidengatik bakarrik mintzagai da gure herrian. Izan ere, Ozkarbiren eta Udalaren artean sinatu beharreko hitzarmenaren inguruan zurrumurru asko entzun dira. Oraingoan, Udalak ez dio Ozkarbiri hitzarmenik aurkeztu, aurkeztuko dion hitzarmena Gobernu batzordean landu behar da-eta.



IGOR ARIZMENDIARRIETA

Kopako finalaurrekoetarako sailkatu ziren domekan Intxorta saskibaloit taldekoak.

KULTURA

# Neska-mutiko ugari dantza ikastaroan

O.E.

**Dantza Taldeak antolatutako euskal dantzen ikastaroan herriko 50 neska-mutikok eman dute izena. Martitzenean eta eguaztentean izaten dira entseguak. Asentzio egunean eta jaietan dantza egiteaz gain, herritik ere irten nahi dute Dantza Taldekoek.**

Aurreko astean hasi ziren herriko neska-mutikoak euskal dantzak ikasten.

Aurten, 50 ume inguruk eman dute izena Kultura batzordeak antolatutako ikastaroan. Txikie-

nek hiru urte dituzte eta nagusienek, hamahiru.

Txikienek korroan egiten diren dantzak ikasten dihardute. Neskek Xoxo Dantza, Arku Dantza eta Arratera Begira ikasiko dituzte, eta mutilek Txangarren-gua, banakoa eta binakakoa.

Iaz, Asentzio egunean, Ferixa Nagusiko jaietan eta Eibarren egiten zen Galiziaren egunean izan zen Elgetako Dantza Taldea.

Aurten, deitzen dieten lekutara joateko gertu daude. Izan ere, umeei ilusio handien egiten die izaten da ikastaroetan ikasitako dantzak jendearen aurrean erakustea.



O.E.

Txikienek korroan egiten diren dantzak ikasten dihardute.

IRAKURLIAREN TXOKUA

**ELGETAN ERE EUSKAL PRESOK EUSKAL HERRIRA**

Euskal Herriko herri eta txoko guztietan bezala, Elgetan ere Euskal Presoak Euskal Herriratzearen aldeko kontzentrazioak egingo dira hilabete guztietako azken barikuetan. Gabonetan egin genuen bezala, jende pilotxoa bilduko gara ziur gaude.

Euskal Herrian horrenbeste urtetan zehar sufrizten dugun egoeratik irteteko eman beharreko pauso garrantzitsu hau lehenbailehen eman dadin eskatzeko, presoak jasaten duten egoera larria salatzen eta behingoz gatazkari benetako irtenbidea emateko eskatzeko bilduko gara.

Esan bezala, Euskal Presoak Euskal Herriratzearen alde zaudeten denok gonbidatuta zaudete ostiral honetan eta hil bukaerako ostiral guztietan arratsaldeko 8etan herriko plazan egingo diren kontzentrazioetara.

Denon artean lortuko dugu. Euskal Presoak Euskal Herrira!

ELGETAKO BATASUNA

OHARRAK

**OLIO BILKETA**

Hileko azken barikua guztietan moduan, olio bilketa egingo du Maya ingurumen taldeak gaur, hilak 25. Arratsaldeko seietatik zazpietara izango da olio bilketa.

**GAZTETXEKO BATZARRAK**

Gaztetxeako batzarrak egunez aldatu dituzte. Aurrerantzean aste batean barikuan eta bestean zapatuan egingo dute asteroko batzarra. Aste honetakoa bihar izango da, arratsaldeko hiru eta erdietan. Datorren astekoa barikuan izango, arratsaldeko sei eta erdietan. Batzarrak irekiak dira eta parte hartzea bultzatu nahi dute gaztetxeakoek.

**PRESOEN ALDEKO BILKURA**

Hileko azken barikua denez, gaur, hilak 25, bilkura izango da plazan, iluntzeko zortzietan, *Euskal Presoak Euskal Herrira* lelopean. Ibarreko beste herrietan moduan, hileko azken barikuan presoek eskubideen aldeko bilkura egiten jarraituko dute Elgetan ere.



**RECYDE, S.A.**

Pagotza pol. ind. 20690 ELGETA, Gipuzkoa  
Tel. zentrala: 943 78 80 00. Faxa: 943 78 90 10  
Posta elektronikoa: recyde@recyde.es



ER-0182/2/95

ISO 9002  
QS 9000  
ISO/TS 16949

## BOLATOKI taberna-jatetxea



- Astean zehar eguneko menua
- Asteburuetan menu bereziak eta sagardotegiko menua
- Pintxoak, ogitartekoak eta errazioak

Artekale 2, Elgeta. 943 76 82 84

## ERRETRATUZAHARRA

Bergarako  
Lokatzako  
gaztetxoak

**L**okatzako Ziklismo Eskolak zilarrezko ezteiak ospatu zituen joan den urtean. Zalan-tza barik, urte hauetan guztietan lan aipagarria egin dute Lokatzakoek herrian txirrindularitza bultzatzeko. Mutiko askok eta askok jantzi dute Lokatzako maillota. Eta hasieran bezalaxe, Lokatzako arduradunek tinko jarraitzen dute. Hemendik gutxira, aurtengo denboraldiari ekingo diote. Era berean, hainbat proba antolatzen du Lokatzak denboraldian. Besteak beste, iaz, gazte mailako Gipuzkoako Itzulia ekarri zuten herrira, eta 2004. urteko Euskadiko Itzuliaren lehenbiziko etapa Bergaran jokatzeko baimena eman berri diote Lokatzakoei. Gauzak ondo egiten dituzten seinale.

Oraingo asteko argazkia 1983. urte ingurukoa da. Erretratuan agertzen diren gaztetxoek bigarren urteko kadete taldea osatzen zuten garai hartan. Fermin Hernández zen haien entrenatzailea. Argazkia Zubiarte etxean ateratakoa da. Ezkerretik



eskumara: Aitor Rementeria, Jabi Zenitagoia, Josu Errasti, Jon Suinaga, Iñigo Igartua, Joseba Arietaleanizbeaskoetxea, Jose Antonio González, Iñaki Zenitagoia, Asier Aranguren eta Manuel Moral.

Argazkia: Lokatzako Ziklismo Eskola.

## ADI IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

## NOLAALDATUDIRENGAUZAK

Artetxe etxea  
eta inguruko  
itxuraldaketa

**O**rtuibarren Artetxe etxea egon zen 80ko hamarkadaren hasiera arte. Etxea lehengo zezen-plazaren ondoan zegoen, eta duela hogeita bat urte erre zen. Ez dugu etxea erre zeneko data zehazterik izan, baina 1981ean izan zela uste dugu. Gaur egun etxebizitzak eraikitzen ari dira Artetxe zegoen tokian. Ibargarai kalean etxebizitza ugari egiten ari dira azken urteotan.



± 1975

Ortuibarren zegoen Artetxe etxea 1980ko hamarkadaren hasieran erre zen. Argazkia Roman Larrañagarena da (BUA).



2002

Ibargarai kaleak erabateko itxuraldaketa izan du azken urteotan. Artetxe etxea zegoen lur-sailean etxebizitzak eraikitzen ari dira.



**Zumelaga**  
JATETXEA

60 urte zuen zerbitzura!


San Antonio 5. BERGARA. 943 76 20 21

**Zuri Beltz  
margoak**

Barnealde eta kanpoaldean  
erreforma

Pintura zerbitzu osoa  
Moketak

943 76 14 60  
607 447 494  
943 76 59 59  
Bergara



**Manufacturas LARRAÑAGA**  
LAN-BABESERAKO ARTIKULUAK

•Seinaleztapena  
•Jantziak

Leizeaga 1 BERGARA Tel. / faxa 943 76 59 53.

# 600 2002ko urtarrilaren 7ko zozketa eurotako 5 erosketa-bono



Asier Lenisoro (Guria taberna), Antonio Maiztegi (Zapaterikua autozerbitzua), Ana Iztueta (Nerea lantzeria) eta M. Jesus Igartua (irabazleetako bat).



## Sariak banatu dituzten komertzioak:

Nerea lantzeria  
TBG asesoria  
Zapaterikua autozerbitzua  
Ziripot taberna  
Guria taberna

## Irabazleak:

M. Jesus Igartua  
Fernando Hernandez  
M. Dolores Gallastegi  
Alex Osuna  
5.a ez da agertu

**Zorionak guztioi!**

## 2001-2002 EUSKARA IKASTAROAK

# MATRIKULA ZABALIK

### ESKAINNTZA

Euskalduntze eta alfabetatze maila guztiak.  
EGA.

### BULEGO ORDUTEGIA

Goizez: 08:30-13:00  
Arratsaldez: 14:30-18:30

### MATRIKULATZEKO EPEA

Urtarrilaren 21etik  
otsailaren 1era.

**16 urtetik gorakoentzat.**

**Bekatze sistema eta diru  
laguntzak ditugu.**

## BERGARAKO UDAL EUSKALTEGIA

Zabalotegi, 13 • BERGARA • Tel.: 943 76 44 53  
berg.eusk@udal.gipuzkoa.net  
berg.euskudal@euskalnet.net

**UDAL**  
EUSKALTEGIAK



**Zuk  
ahal  
duzu**  
MATRIKULA ZABALIK







Sukaldeen berritzea.

Bainugelen berritzea.

Zeramikan azken berrikuntzak.

Etxea berritzea ondo atera dadin, Jakinan gremio guztiak eskaini eta koordinatzen dizkizuegu. Jakina, zurekin pentsatzen.



# JAKINA

BAINUGELAK • ZERAMIKA • SUKALDEAK  
Bergarako FAGOR banatzaile bakarra

**FAGOR**   
Sukaldeko altzariak

**AENOR**  
Presioaren  
zertifikazioa

**6**  
URTEKO  
GARANTIA

San Lorentzo Industri Pol., Amillaga 10. BERGARA.  
Tel.: 943 76 03 30. Faxa: 943 76 02 91.